



Broj: 01-826/17

Datum: 29.06.2017.godine

Na osnovu člana 100. stav (3) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 135. Pravila Javne ustanove Srednja poslovno-komercijalna i trgovačka škola Sarajevo, rješavajući po žalbi ponuđača HIFAPETROL d.o.o. Sarajevo, broj: JN-2220/17 od 22.06.2017. godine za javnu nabavku lož ulja za zagrijavanje Škole, Školski odbor, donosi

ODLUKU

o poništenju Odluke o izboru najpovoljnijeg ponuđača i izboru najpovoljnijeg ponuđača za nabavku lož ulja putem konkurentskog zahtjeva za dostavu ponuda

Član 1.

Usvaja se žalba ponuđača HIFA-PETROL d.o.o. Sarajevo na Odluku broj: 01-793/17 od 19.06.2017. godine o izboru najpovoljnijeg ponuđača u postupku Konkurentski zahtjev za dostavu ponuda za nabavku lož ulja za zagrijavanje JU Srednja poslovno-komercijalna i trgovačka škola Sarajevo.

Član 2.

Ovom Odlukom stavlja se van snage Odluka o izboru najpovoljnijeg ponuđača broj: 01-793/17 od 19.06.2017. godine, donesena na osnovu Zapisnika o ocjeni ponuda broj: 01-780/17 od 16.06.2017. godine i preporuke Komisije za javnu nabavku.

Član 3.

Najpovoljniji ponuđač u postupku javne nabavke lož ulja za zagrijavanje JU Srednja poslovno-komercijalna i trgovačka škola Sarajevo u skladu sa ponovljenom analizom dostavljenih ponuda jeste HIFA-PETROL d.o.o. Sarajevo sa ukupnom vrijednosti ponude u iznosu od 19.466,07 KM bez PDV-a.

Član 4.

Izabrani ponuđač HIFA-PETROL d.o.o. Sarajevo je obavezan donijeti svu dokumentaciju traženu tenderskom dokumentacijom u roku od 5 dana od dana zaprimanja ove Odluke Ugovornog organa.

Član 5.

Ova Odluka stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke, a objavit će se na Web-stranici Škole u skladu sa članom 70. stav 6. Zakona o javnim nabavkama.

Obrazloženje

Na osnovu Odluke Školskog odbora o pokretanju postupka javne nabavke lož ulja za zagrijavanje Škole, broj: 01-695/17 od 26.05.2017. godine, Javna ustanova Srednja poslovno-komercijalna i trgovačka škola Sarajevo je pokrenula postupak putem Konkurentskog zahtjeva za dostavljanje ponuda za javnu nabavku roba – lož ulja za zagrijavanje Škole.

Obavještenje o nabavci broj: 4242-7-1-81-3-1/17 objavljeno na Portalu javnih nabavki dana 05.06.2017. godine. Kao kriteriji za dodjelu ugovora je navedena najniža cijena. Iz zapisnika o otvaranju ponuda je vidljivo da je Komisija za javnu nabavku dana 16.06.2017. godine u 12:30 sati izvršila javno otvaranje blagovremeno prispjelih ponuda sljedećih ponuđača:



1. HIFA-PETROL d.o.o. Sarajevo
2. GREEN OIL d.o.o. Sarajevo.

Iz zapisnika o ocjeni ponuda je vidljivo da je Komisija za javnu nabavku izvršila pregled ponuda i ispitivanje da li su ponuđači ispunili uslove tražene Tenderskom dokumentacijom, odnosno da li su ponuđači kvalifikovani za nabavku predmetne robe.

Nakon pregleda ponuda, Komisija za javne nabavke je na osnovu kriterija „najniža cijena“ sačinila rang listu ocjenjenih ponuda uz napomenu da su svi prijavljeni ponuđači dostavili dokaz o primjeni preferencijalnog tretmana domaćeg.

Nakon ocjene ponuda, Komisija za javne nabavke je konstatirala da je najpovoljnija ponuda ponuđača „GREEN OIL“ d.o.o. Sarajevo.

Na osnovu sačinjenog Zapisnika o ocjeni ponuda i utvrđene rang liste, prihvaćena je preporuka Komisije i donesena Odluka broj: : 01-793/17 od 19.06.2017. godine o izboru najpovoljnijeg ponuđača „GREEN OIL“ d.o.o. Sarajevo za nabavku lož ulja putem konkurentskog zahtjeva za dostavu ponuda, čija je ponuda, u skladu sa kriterijem najniža cijena tehnički zadovoljavajuće ponude, ocjenjena kao najpovoljnija sa ukupnom cijenom ponude od 18.810,00 KM bez PDV-a.

Odluka broj: 01-793/17 od 19.06.2017. godine o izboru najpovoljnijeg ponuđača, zajedno sa Zapisnikom o ocjeni ponuda broj: 01-780/17 od 16.06.2017. godine i Obavještenjem o rezultatu postupka javne nabavke lož ulja broj: 01-793/17 od 19.06.2017. godine, dostavljena je svim ponuđačima koji su učestvovali u postupku predmetne javne nabavke.

Ponuđač HIFA-PETROL d.o.o. Sarajevo je dana 20.06.2017.godine podnio Zahtjev broj: JN-2189/17 za uvid u ponudu ponuđača „GREEN OIL“ d.o.o. Sarajevo.

Uvid u ponudu ponuđača GREEN OIL d.o.o. Sarajevo izvršen je od strane ovlaštenog predstavnika ponuđača HIFA-PETROL d.o.o. Sarajevo dana, 22.06.2017.godine sa početkom u 10:00 sati u prostorijama JU Srednja poslovno-komercijalna i trgovačka škola Sarajevo u prisustvu člana i sekretara Komisije za javnu nabavku, odnosno sekretara Škole.

Nakon obavljenog uvida u ponudu ponuđača „GREEN OIL“ d.o.o. Sarajevo, ponuđač HIFA-PETROL d.o.o. Sarajevo je dana 22.06.2017. godine izjavio žalbu protiv Odluke o izboru najpovoljnijeg ponuđača broj 01-793/17 od 19.06.2017. godine zbog: -pogrešno i nepotpuno utvrđenog činjeničnog stanja.

U obrazloženju podnositelj žalbe navodi: Ugovorni organ Javna ustanova Srednja poslovno-komercijalna i trgovačka škola Sarajevo je putem konkurentskog postupka na portalu Javnih nabavki dana 05.06.2017. godine objavio tender za nabavku lož ulja, broj obavještenja o nabavci: 4242-7-1-81-3-1/17. Dana 20.06.2017. godine smo zaprimili Odluku o izboru najpovoljnijeg ponuđača: broj: 01-793/17 od 19.06.2017. godine u kojoj se navodi da se prihvata ponuda „GREEN OIL“ d.o.o. Sarajevo, jer je ponudio najnižu cijenu tehnički zadovoljavajuće ponude. Dana 22.06.2017. godine smo izvršili uvid u ponudu ponuđača „GREEN OIL“ d.o.o. Sarajevo kojom prilikom smo uočili slijedeće:

1. Ponuđač „GREEN OIL“ d.o.o. Sarajevo nije postupio prema zahtjevu iz tenderske dokumentacije tačka d) *Opis tehničke opremljenosti – minimalno jedna cisterna za prevoz goriva sa verifikovanim valumetrom vlastita ili iznajmljena sa dostavom dokaza o vlasništvu (vlasnički list) ili ugovorom o iznajmljivanju (ovjerena kopija ne starija od tri (3) mjeseca računajući od dana dostavljanja ponude) i certifikat o verifikaciji volumena.*

Međutim, ponuđač „GREEN OIL“ d.o.o. Sarajevo je u svojoj ponudi dostavio certifikat o kalibraciji, a ne kako je ugovorni organ zahtjevao u tenderskoj dokumentaciji da se dostavi certifikat o verifikaciji.



2. Ponuđač „GREEN OIL“ d.o.o. Sarajevo je dostavio Izjavu o ispunjenosti uvjeta iz člana 46. Zakona o javnim nabavkama, u kojoj se navodi *dokumenti čije obične kopije dostavlja kandidat/ponuđač „GREEN OIL“ d.o.o. Sarajevo u navedenom postupku javne nabavke, a kojima se dokazuje registrirana djelatnost iz člana 46. Zakona o javnim nabavkama („Službeni glasnik BiH“ broj 39/14) su istovjetni sa originalima. U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 46. ZJN na zahtjev ugovornog tijela skladno članu 72. stav 3) tačka a).*

Ponuđač je dostavio ovjereno Izjavu međutim nije dostavio obične kopije dokumenata kojima je trebao dokazati svoju registrovanu djelatnost u odgovarajućim profesionalnim ili drugim registrima zemlje u kojoj je registrovan.

Ugovorni organ je u tenderskoj dokumentaciji propisao obavezu dobavljača koji bude izabran da dostavi:

- *Ovjerenu kopiju rješenja o upisu u sudski registar ili ekvivalentni dokument koji je izdao nadležni organ kojim se dokazuje pravo obavljanja profesionalne djelatnosti*
- *Ovjerenu kopiju uvjerenja o identifikacionom broju*
- *Ovjerenu kopiju uvjerenja o poreznoj registraciji*

S obzirom na navedeno, ponuđač je bio dužan dostaviti obične kopije dokumenata kojima se dokazuje registrovana djelatnost kako je to zahtjevano u izjavi iz člana 46. ZJN-a.

3. Ponuđač „GREEN OIL“ d.o.o. Sarajevo je u svojoj ponudi na strani 21 u Ugovoru o nabavci lož ulja u članu 2. izvršio ispravku datuma ponude precrtavanjem hemijskom olovkom, te je izvršio ispravku tenderske dokumentacije precrtavajući KM, što znači da ispravku nije izvršio u skladu sa članom 18. stav 1. tačka m) Uputstva za pripremu modela tenderske dokumentacije i ponuda koji propisuje da ispravke u ponudi moraju biti izvršene na način da su *vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke*, što nije slučaj sa ponudom ponuđača „GREEN OIL“ d.o.o. Sarajevo.

Također je tačkom 4.1.1. tenderske dokumentacije propisano da ponuđač ne smije mijenjati ili nadopunjavati tekst tenderske dokumentacije.

Na kraju je podnosilac Žalbe naveo da „Temelji ovu žalbu na pogrešno i nepotpuno utvrđenom činjeničnom stanju, zbog čega predlaže da Ured za razmatranje žalbi, usvoji žalbu i postupi skladu sa ovlaštenjima propisanim ZJN BiH.

Ukoliko URŽ utvrdi da je žalba žalioca osnovana, podnosilac žalbe posebno zahtjeva povrat naknade za pokretanje žalbenog postupka, kao i da naloži Ugovornom organu namirenje prouzrokovane štete koja je nastala nezakonitim radnjama Ugovornog organa“.

Postupajući po žalbi žalitelja HIFA-PETROL d.o.o. Sarajevo izjavljenoj protiv Odluke o izboru najpovoljnijeg ponuđača u postupku nabavke lož ulja, nakon formalnih pretpostavki za ulaganje žalbe, utvrđeno je da je žalba blagovremena, dopuštena i izjavljena od ovlaštenog lica.

Nakon uvida u raspoloživu dokumentaciju, pristupljeno je razmatranju žalbe i ponovnom pregledu i ocjeni ponuda, te je utvrđeno da ponuda ponuđača GREEN OIL d.o.o. Sarajevo ne ispunjava uslove propisane tenderskom dokumentacijom iz sljedećih razloga:

Ugovorni organ je pripremio tendersku dokumentaciju u skladu sa odredbama Zakona o javnim nabavkama i podzakonskim aktima. U tenderskoj dokumentaciji dao je potpune informacije o uslovima za kvalifikaciju ponuđača u postupku dodjele ugovora.



1. U tenderskoj dokumentaciji u dijelu 3.5 Tehnička i profesionalna sposobnost je navedeno pod d) *Opis tehničke opremljenosti – minimalno jedna cisterna za prevoz goriva sa verifikovanim valumetrom vlastita ili iznajmljena sa dostavom dokaza o vlasništvu (vlasnički list) ili ugovorom o iznajmljivanju (ovjerena kopija ne starija od tri (3) mjeseca računajući od dana dostavljanja ponude) i certifikat o verifikaciji volumena.*

Ponuđač GREEN OIL d.o.o. Sarajevo je u svojoj ponudi dostavio **certifikat o kalibraciji**, a ne certifikat o verifikaciji, kako je to traženo tenderskom dokumentacijom.

2. U tenderskoj dokumentaciji u dijelu 3.3. Sposobnost obavljanja profesionalne djelatnosti (član 46.) propisuje dostavljanje Ovjerene pismene izjave, kojom se potvrđuje da ispunjava uslove iz člana 46. Zakona o javnim nabavkama, a u kojoj se navodi **dokumenti čije obične kopije dostavlja kandidat/ponuđač „GREEN OIL“ d.o.o. Sarajevo u navedenom postupku javne nabavke, a kojima se dokazuje registrirana djelatnost iz člana 46. Zakona o javnim nabavkama („Službeni glasnik BiH“ broj 39/14) su istovjetni sa originalima.**

Ponuđač GREEN OIL d.o.o. Sarajevo je dostavio ovjerenu pismenu Izjavu, ali ne i obične kopije dokumenata kojima je trebao dokazati svoju registrovanu djelatnost.

3. Ponuđač GREEN OIL d.o.o. Sarajevo je na strani 21 u Ugovoru o nabavci lož ulja u članu 2. izvršio ispravku datuma ponude precrtavanjem hemijskom olovkom, a ne na način utvrđen tačkom 4.1.4 Tenderske dokumentacije, te je izvršio ispravku tenderske dokumentacije precrtavajući KM, što je suprotno tački 4.1.1. Tenderske dokumentacije.

Slijedom navedenog, utvrđeno je da je žalba ponuđača HIFA-PETROL d.o.o. Sarajevo u potpunosti osnovana, da ponuda ponuđača GREEN OIL d.o.o. Sarajevo ne sadrži sve potrebne dokaze navedene u Tenderskoj dokumentaciji, te da se Odluka o izboru najpovoljnijeg ponuđača za nabavku lož ulja broj: 01-793/17 od 19.06.2017. godine stavlja van snage i zamjeni drugom Odlukom u skladu sačlanom 100. stav 3. zakonom o javnim nabavkama BiH.

Na osnovu ponovljene analize i uvida u preostale ponude, konstatovano je da je jedini preostali ponuđač **HIFA-PETROL d.o.o. Sarajevo**, dostavio ponudu koja u potpunosti zadovoljava uslove propisane u tenderskoj dokumentaciji i koja je prihvatljiva za ugovornog organa, te se bira za najpovoljnijeg ponuđača i dodjelu ugovora za nabavku lož ulja putem konkurentskog sporazuma. Ponuđač HIFA-PETROL d.o.o. Sarajevo je ponudio ukupnu cijenu bez PDV-a u iznosu od 19.466,07 KM.

Na osnovu izloženog, odlučeno je kao u dispozitivu Odluke.

PRAVNA POUKA: Protiv ove Odluke može se izjaviti žalba Uredu za razmatranje žalbi putem ugovornog organa u roku od 5 (pet) dana od dana prijema Odluke.



PREDSJEDNIK ŠKOLSKOG ODBORA

Nusreta Šlinić

Nusreta Šlinić, dipl.ecc

Dostavljeno:

1. Svim učesnicima u postupku
2. Komisiji za javne nabavke
3. a/a